

13. januar 2017

Inatsisartut suleriaasianni § 37 naapertorlugu matumuuna apeqquutit Naalakkersuisunut imaattut saqqummiuppakka:

**Apeqquutit:**

- 1. Tunumi Nannunik misissuinermi maanna ingerlanneqartumi sumut killittoqarpa: Misissuineq pilersaarutaasut malillugit ingerlava aamma pilersaarutaasutut 2018-imi naammassineqarnissaa suli naatsorsuutigineqarpa?**
- 2. Misissuinerit maannamut ingerlanneqareersut Tasiilap eqqaani nannuttassanik amerlisitsinissamut tunngaviusussatut Naalakkersuisunut isumaliulersitsippat?**

(Inatsisartuni ilaasortaq Laura Tàunâjik, Siumut)

**Tunngavilersuutit:**

Ukiuni makkunani Tunumi Nannut pillugit misissuinerinik annertuunik ingerlatsisoqarpoq.

Naalakkersuisut § 37 naapertorlugu apeqquummut 193/2015-imut akissuteqarnerminni imaattunik ilisimatitsipput.

*Pinngortitaleriffik 2014-imiit 2018-imut Tunumi Nannut pillugit misissuinerinik annertuunik ingerlatsisarsimavoq. Siusinnerusukkut Pinngortitaleriffiup Nunatta Kitaa samminerusimammagu, tassa pisat tamarmiusut amerlanersaat Canadami aamma Nunatsinni pisaasimammata.*

*Nannut pillugit siunnersuinerinik suliaqarneq Tunumi annertoqaaq, tassa misissuinerit ukiut arlallit ingerlanerini ingerlanneqarmata pisariaqartitanik aningaasalersuinerit aamma tunngaviusunik ilisimasassat pissarsiarineqartariaqartarmata. Siusinnerusukkut Nannunik kisitsineq taama annertutigisoq ingerlanneqarsimangilaq Nalilersuineq alloriarnernut arfinilinnut imaluunniit misissuinerinut agguataarsimavoq.*

- 1. Pisanik misissugassanik (ingerlaavartumik) katersuinerit: Ukioqqortussusiliisarnerit aamma DNA-nik misissueqqissaarnerit,*
- 2. Apersuinerit misissuinerit (2014-2015): Piniartut ilisimasaat, Nannut amerlassusii, siammarsimassusiat, peqqissusiat, silap naasullu imminnut sunniuteqartarnerat, pisat aamma silap allanngoriartornerata sunniutai pillugit katersuinerit ingerlanneqarput*
- 3. Pisanut paasisutissanik aamma allakkianik misissukkanik aaqqissuineit (2014-2015).*

4. *Qaammataasat atorlugit nalunaaqutsersuineq Nunatta Kujataani (2014-16). Nannut angalasarnerannik/nikittarnerannik annertunerusumik ilisimasaqarnissaaq pisariaqartinneqarpoq paasisinnaajumallugu Tunumi nannunik aqutsineq ingerlanneqassaaq nanoqatigiit ataasiunersut imaluunniit arlaliunersut paasiumallugit. Ikummatissaa-siviit(Uuliaasiviit) 2014-imi pilersinneqarput aamma nalunaaqutsersuinivik 2015-imi aallartinneqarpoq.*
5. *Pisanik/pisassanik kisitsineq Nunap Eqqissisimatitap kujataani (2016-2018): Naat-sorsuutigisatut angusanut ilaapput, sumiiffinni pisaqarfiusuni Nannut amerlassusii, angissusiilu pillugit, aamma Nannut Ittoqqortoormiinneersut aamma Ammassallip eqqaanneersut akornanni paarlaasseqatigiinnikkut nalinginnaasumik amerliartorneri pillugit paasisutissat.*
6. *Nunap Eqqissisimatitap kangiani uuliaqarneranik misissuiffiusup eqqaani kisitsineq (2015-2018): Uuliaqarfiusunik paasiniaanermut akuersissutinut atatillugu Nunami eqqissisimatitami Nannunik kisitsinissamut aningaasanik atugassanik Pinngortitaleriffik qinnuteqarpoq*

*Tunumi nannut pillugit killifflimmik naliliisoqarsinnaalissaaq aamma ilisimatuussutsikkut aalajaatsumik siunnersuineq pissarsiarineqarsinnaassaaq misissuinerit tamarmik aatsaat naammassineqareerpata. Tamatuma kingornatigut paasisutissat ilisimatuunit Pinngortitaleriffimmeersunit suliarineqarlutillu misissoqqissaarneqassapput. Tamatumalu kingunerisaanik Naalackersuisut Pinngortitaleriffimmit siunnersuinermik tigusaqassapput, taannalu pisortatigoortumik tusarniaasoqareerpat APNN-imit nalilerneqassaaq.*

Tasiilap eqqaani piniartut 2017-imi nannuttassanik 25-inik tunineqarput, Pisassiissutit 2011-imiilli allangortinneqarsimanngillat, aamma aalajangersagaallutik mianersornissaaq pillugu, tassami nanoqqassutsip qanoq annertutiginera ilisimaneqarsimanngimmat.

Ikersuarmi/Kane Bassin aamma Baffin Bugten-imi nannut sukumiisumik arlaleriarluni (ukiuni 1992-imiit 1998-imut aamma 2010-imiit 2013-imut) misissuiffigineqarsimagaluartut, Tunumi nannut amerlassusiat misissuiffigineqanngisaannarsimavoq.

2010-mi Naalackersuisut § 37-imut akissumminni (92/2010) ilisimatitsissutigaat Pinngortitaleriffik 2012-imi Tunumi nannunik kisitsinissamik pilersaaruteqartoq, tamanna teknikikkut aningaasatigullu ajornaquteqassanngippat. Taamaattorli pilersaarutit piviusunnagortinneqanngillat.

Taamaalilluni Tasiilap eqqaani piniartut maannamiit pisassiissutinik amerlanerusunik aalajangersaanissamut tunngaviusussamik sivisuumik utaqqisariaqarsimapput.

Sumiiffimmi piniartunut atugassarititaasut ajornarneruleriartorput aamma suliassaqtitsinissamut periarfissanik allanik peqanngilluinnarpoq.

Tamanna tungavigalugu sapinngisamik piaarnerpaamik Tasiilap eqqaani nannuttassat amerlisinneqarnissaannut alloriartoqarnissaa kissaatigaara, maannamuugallartoq misissuinermi angusat tikkuussippata, sumiiffimmi nannut amerlassusiisa tamanna ajornarunnarsikkaat.